

Ser 157(3)

Q-16

Mametsa history and misc.
items.

A13/8/115

Masete, M. R.

b. 1/10

K34/115

- 1 Bogolo-golo ba re go be go ene le mokgalabjwe yo mongwe wa ga Mametsa ba re ke Tsole, leina lagwe bjale re kwa ditaba tse dintsi kudu tsagwe ba re o kile a tsea leeto a ya Strasburg, a etswa Mabins bjale a swara ke tlala tseleng fela o be a sepela le mosadi wagwe. Leina lagwe ba re ke Motsatsi bjale ba fithla nokeng e ba rego ke Mafisi ba hwetsana sethlare se se entsego dienywa tse dilewago fela sethlare sewe leina la sona šile
- 2 ke Mogo. Bjale ka go kwa tlala ba napa ba thoma go arogela mowe sethlareng sewe ba re go ke mogo re kwa gore mokgalabjwe yeo wa thlogo e tshweu wa ga Mametsa a lebella gedimo ga sethlare sewe a bona dienywa tse dinego mosethlareng a lebendisa gabotse a bona gore dienywa tse di ya lewa gape leina la tsona a di bitswi gore ke mogo aowa ke mago fela sethlare se sona ke mogo bjale mowe a botsa mosadi wagwe Motsatsi yeo le ena a bego a setse a tsofetse a re mogatsaka Mmagosea mo gedimo bjale mosadi ara monna wagwe Tsole a re mogatsaka gore re lapile go kaone o namele
- 3 gedimo o gule mago mothla o mongwe re tla phologa tlaleng bjale monna eo a namele gedimo a fula mago arasetse fase gore mosadi wagwe a tope mago a je. Bjale o be a re a sa fula mago awe bjale re kwa gore o be a beile sethunya mo thitong ga sethlare sewe ka gore e be e mabaka a dintwa tsa marumo ba elwa le Maswatse. Anthe gona mowe nokengwe ba lwago nao bjale anthe Maswatse awe a lebelletse mokgalabjwe eo gedimo ga sethlare sewe. Re kwa gore Maswatse awe a be a e mabedi bjale ba fithla mowe sethlareng sewe ba hwetsana mokgalabjwe eo ba mo thibeletsa gedimo ga
- 4 sethlare sewe. Ba tsea sethunya sa mokgalabjwe eo ba leka go thunya mokgalabjwe eo fela re kwa gore mokgalabjwe eo a ka a leka go tshaga lega go tshaba a a ka a tshaba o be a fologa mowe sethlareng a tsitsipane mathlong go fithlela mokgalabjwe a fithla fase bjale re kwa gore sethunya sewe se be se palla Maswatse go thunya ba beile marumo fase ba golofetse sethunya gore mothla o mongwe ba tla se kgona bjale re kwa gore mokgalabjwe yeo Tsole o be a tsea marumo a bona a ba thlaba dipelong bjale
- RM/ wa bobedi a bona gore ditaba di šarakane a leka go tshaba bjale

- 5 ya ba mokgalabjwe o fosa lerumo ka morago a mo thlaba magetla ka lerumo a wela fase a napa a hwile gona mowe bjale a tsea marumo a tlema ka lenti marumo awe a dira ngata a tsama a itheta ka direto a e ya gae a rwesitse mosadi wagwe Motšatši sagwe a re ke nna Tsole a mapontese opa sa bakone gape ke bile ke kgephethe amasogana ke ntopotopo ke mopedi ke wa ga Magaela o se phule mokwakwa wa la karatsiya. Ra phula melokwa ra phula mefase mokokotlelo o mogolo letsie wa kokotlela dithaba tsa kgerega go kgirigile bo Mokwapane le bo Lakarantsiya.
- 6 Bjale mowe a fithle gae a tsena kgosing a bea marumo fase a ene le mosadi wagwe Motšatši ba bolela gore lehono Maswatse a nyakile go re bolaya bjale mowe kgosi a thoma go reta ngwana wagwe Tsole ka sereto se serego:

Mametse wa nkakaile
 a bokone eo a boyago
 Madikadike le madikadikana
 Naga ya Tshokwe
 Wa rukele Mametše
 Le rapane na gase ratake
 Dikgaka a boye maboyo ruke
 Le Mametse ga ga Thlane.

- 7 Sewe ke sona sereto se segolo sa ga Mametsa gape re kwa gore kgosi o be a reta sereto sewe a okwa mo Tsole a mmotsa gore Maswatse a we ke ya bolaile marumo a ona sea bjale mowe re kwa gore kgosi e be ya bitisa pitso e kgolo setshaba sa ga Mametsa sa kgobakana ka moka go tla go bona mokgalabjwe yowe bjale kgosi ya ntsha kgomo ya go leboga monna yowe wa ga Mametsa bjale kgosi ya supa kgomo e kgolo ya pholo gore e ke leboga ngwana wa ka yowe leina la gwe ba rego ke Tsole bjale mowe re kwa gore setshaba sa ga Mametsa se be sa swaba kudu mowe re
- 8 kwa gore ba banwe ba be ba tloga ba lebeletse gedimo ba sitwa go le ella fase ka gore megokgo e ka falla ka gore mokgalabjwe wa ga Mametsa wa senatla leina la gwe e bego e Tsole o be a ba phadile ka bogale bja go bolaya Maswatse awe a bego a mo hubatše tse mathlo.

RM/

9 Bjale mowe kgosi ya ntsha kgomo e kgolo kudu ya thlabisa mokgalabjwe yowe wa ga Mametsa ka gobane lentsu la mogolo-golo le re motho yowe a galifilego o swanetse go thlabelwa kgomo ka gore a galefile mowe ntweng fela a re butsisisa ditaba tse ka gore ke tsa botala rena re se su ra ba gona bjale ditaba tse re di botsa ke bakgekolo le bakgalabjwe ba di tseba go fela le lehono motho a bolaya motho ba swanetse go mo thlabela kgomo ba bitse dingaka gore di tle di mo alafe ka kgomo ewe. Bjale ba re ke gore ba tlosa lerithi gore motho ewe a ka gafa. Tse ke tsona ditaba tsa mokgalabjwe yowe wa ga Mametsa

10

Kgane ya bakgalabjwe

Tse ditaba ke tsa bakgalabjwe ba bangwe ba bego ba tsea kgane ya bona ba e babedi. Maina a bona šea:

11 Ke Sekomote wa ga Morema le Maphuthe wa ga Lewele. Bjale kgane ewe ya bona še go be gwa thoma Sekomote a butsisisa Maphuthe gore na lwala le tshilo le mabele le dikgone le matshego le pitsa le lefethlo le lehona dilo tsewe ka moka se se okwago bothloko keng? Bjale mowe Maphuthe a fetola ka gore nna ke bona gore mabele a okwa bothloko kudu le lwala tshilo le yona e kwa bothloko le pitsa ka gore mabele a kgereganya ke tshilo gedimo ga lwala bjale a okwa bothloko le yeona tshilo e jega kudu ka mabele awe gape le gona ba tsea letlapa, le lengwe ba kgatsa tshilo ka lona gore e be le makgwakgwa šipana mowe ke gona e tlogo kgonago sila mabele gabotse gape lwala le lona le kgatswa gape ka lona le tlapa lewe gore le swane le tshilo gore di tle di kgone go kwana ka go sila bjale mowe di kwile bothloko kudu. Bjale pitsa le yeona e bolaya ke go swa ka mollo bjale fawe ke bona gore dilo tsewe di okwa bothloko kudu bjale Sekomote a fetola Maphuthe ka lentsu la go ganetsa a re wena o bona

12 tsewe fela na a o bone gore dikgone le matshego le lefethlo le leho gore le tsona di kwa bothloko na, ka gore dikgone di tshuba ke mollo gape matshego le ona a tshuba ke mollo gape mogo nego leho le lefethlo le tsona di kwa bothloko kudu ka gore selō sa go baba kudu go phala mollo a sewe ka gore o fisa kudu bjale

- mowe Maphuthe a fetola a re wa se ke wa mpotsa ka thekong ya leho le lefethlo ka gore tsona di fela di thlatswa ka metsi Sekomote bjale a re na a o tsebe gore a di thlatswiwa ke
- 13 gore di be di eswa ma, ka gore metsi a be a bela bjale ba tsea mabele ala ba sitsego ba tshela ka pitseng ba tsea lefethlo ba le fakela ka pitseng ba fethla ka lona la swa kudu ka metsi awe a belago bjale mowe re kwa gore ba be ba swarisana bothata kudu Sekomote le Maphuthe. Bjale le mowe ba be setse ba kwatlane kudu ba nyaka go swarana ka diyatla mowe, gwa fithla mokgalabjwe yowe mogolo ya a ba fetago ka gogolo a tsofetse go wa thlogo e tshweu
- 14 a hwetsana ba swere kgane ewe ya bona a ba butsisisa gore na le swere e fe mo. Bjale ba thoma go mo laodisetsa kgane ewe ya bona bjale mokgalabjwe yowe a re go bona le reng le lapisana ka taba ea lefeela na, a le bone gore selo se se okwago bothloko kudu ke lefase ka gore re sepela gedimo ga lona gape le mengwako ya rena re agile gedimo ga lona le diphofolo di sepela gedimo ga lona le dithlare di metse gedimo ga lona. Bjale ke lona le swerego
- 15 boima le mabothata, ka mo ka gare ga dilo tsewe le phikgisanago ka tsona bjale mowe ba be ba thoma go theetsa mantsu a mokgalabjwe yowe wa thlogo e tshweu.

Bjale mowe Maphuthe wa ga Lewele a fetola mokana wagwe Sekomote gore na owa okwa motho yowe a nego karabo e botse ya go phala tsa rena tse re bego re di gopotse tsona. Sekomote le ena a re ke gokwele mokana.

- Mogolo-golo o re o se bone go akalla ga legodi go wa
- 16 fase ke ga lona. Gape bona kakgalabjwe bawe ba be ba dula motse ka o tee bjale e bona, bakgalabjwe ba motse owe gape ka tsatsi le lengwe re kwa gore Sekomote o kile a botsa mokana wa gagwe Maphuthe gore wena Maphuthe re swanetse gore re omele bjala bjo bontsi kudu gore nna Sekomote le wena Maphuthe re katane ka maatla gore re bone yowe a katiwago fela bjale ke bjagwe ka moka bjale mowe ba thoma go botsa basadi ba bona gore ba ene mmela gore ba dire bjala bjewe ba ena, mmela wa loka le gabotse
- 17 ba thoma go dira bjala bjowe gore ba tle ba katane bjale mowe re

18 kwa gore batho ba be ba tlala ka bontsi go tla go bona bakgalabjwe bawe bjale ba tlala kgoro ka moka bakalabjwe ba tswa ka malapeng a bona ba itheta ka maina bjale ba gathlana kgorong ba re ka matsogo gwa mowe metsetlo ya gola re kwa gore Maphuthe o be a kata Sekomote lekgeswa la ripega ka bogare bjale Maphuthe a re ke nna Maphuthe kea phutha ngwana Magoba ke mpya metseng ya bathlanka Sekomote le ena a re:

"Monna sekgosi sa monna a se ile ga koma fase bjale ke moka".
Bjale ya ba bja Maphuthe Sekomote a dula ka go kokobana.

Tse ditaba ke tsa mokgalabjwe yo mongwe ba re ke Setimela.

19 Setimela e be e mokgalabjwe wa leloko la ga Mametsa o be a dula Lerapame nageng ya Straburg bjale o be a ene le basadi ba bararo fela. Maina a bona a re butsisisa ga ba ba di tsebago , a ba ba tsebesisi gabotse fela re kwa gore e be e mokgalabjwe yowe mogolo kudu wa ngaka o be a laola magosi ka mabaka a selemo gore ba tle ba be le thlalogany gore pula ngwaga o e tlo ba gona na, gape bongaka bjo bjagwe o be a gobantse legolo ya batho, bjale a tla a belega bana bagwe ba bararo ba ba thlankana, maina a bona kea: wa pele ke Maaserantha wa bobedi, Tshwenyana wa boraro, Motetemedi bjale mowe gona o be a rata morwa wagwe ka o tee mo gare ga bona bjale a sa rate go šupa bo ngwanaabo gore ke rata yo ngwana ka gore o be a gopotse go mo ruta bongaka le dithuri

20 bjale ka go rielo o be a bile a gopola gore babo ngwaabo ba ka mmolaya bjale mokgalabjwe yowe re kwa gore o be a no fela a loya batho ba ehwa bjale ka go tshepa ke magosi awe bjale beng ba batho bawe ba be ba fela ba belaela gore mokgalabjwe yowe o re fetsetsa bana ba rena. Bjale ka lona lebaka lewe re kwa gore go be go busa kgosi Sekoko bjale ka moka batho a ba ya go laola dingakeng dikgagara di tiya mokgalabjwe yowe Setimela gore bana

21 ba lena ba bolaya ke ena mokgalabjwe yowe bjale taba ya go makatsa re kwa gore batho ba ka moka ba be ba botsa kgosi Sekoko gore gape rena a re laola mox dikgagara re kwa gore dikgagara di tiya mokgalabjwe yowe Setimela. Bjale kgosi o be a sa rate go kwisisa ka taba tsewe ka morago ga mowe Setimela

a napa a bolaya ngwana wa kgosi Sekoko bjale mowe a bitsa
 setshaba ka moka gore tlang le kgobakane bjale setshaba sa tla
 22 ka moka ka bontsi bjale mowe re kwa gore kgosi Sekoko o be a bolela
 lentsu la gore ke le tsebisa gore tsebang ngwana wa ka o hwile
 yowe ke bego ke mo rata kudu bjale ke le tsebisa gore motho
 yo mongwe le yo mongwe a ntshe kgomo gore dikgomo tsewe a di
 tswile di swanetse go iswa ngakeng gore e laole gobane ekaba
 ngwana eo wa ka o bolale keng mowe setshaba sa a dumetsa taba
 ewe re kwa gore ba be ba ntsha dikgomo tse dintsi kudu gape masome
 23 a tsona a re a tsebe ga botse ka gore re nyama dipelo a re butšiša
 ba bagolo ba sa tsebe gore ke masome a makae fela le mogole bjale
 re hwetsana gore di be di feta ga makgolo a mararo bjale mowe a
 re ne thlaloganyo ya palo ya dikgomo tsewe tsa go ntsha ke
 setshaba sewe bjale setshaba ka moka sa thabela taba ewe gore re
 tla kwa se se bolallego ngwana wa kgosi ya rena bjale kgosi ya
 ntsha banna ba lesome le metso e methlano gore ba gape dikgomo
 24 tsewe di e ngakeng bjale gape kgosi ya ntsha masome a mathlano a
 a banna gore bona ba e go kwa se se bolallego ngwana wagwe
 bjale banna bawe ba lesome le metso e methlano ba gapa dikgomo
 ba di isa mowe ngakeng ba leeletsitsego ke gosi Sekokô gore ba di
 ise ntshe. Ka thoko ya Bolubedu ka gore ke mowe re kwa gore dingaka
 di thomile go bantshe pele bjale banna bala ba bangwe ba lesome
 le metso e methlano le bona ba latela mowe ngakeng bjale ngaka e
 laola dikgagara tsa yona ya re ke le botsa gore ke kiya monna yowe
 25 mogolo wa ngaka le mosiile gae bjale mowe ngaka ya thoma go ba
 thlalosetsa gore monna yowe ke Botala a bolaya bana ba lena
 bjale lehono monna yowe o bolale ngwana wa kgosi lehono pelo
 e ya baba bjale banna bawe ba tloga ba boela gae le bala ba goba
 ba gape dikgomo bjale leretha le fasitse gedimo go se ne lebaka
 go lla naka ka gore lehono ngaka e teile Mmaamoratwe wa kgosi
 leso la Maamokokonono wa go ja bana ba rena bjale ba fithla ga
 26 kgosi Sekoko gore ba mo thlalosetse ditaba tsa ngaka ewe tse
 e ba hutsitsego tsona bjale ka gore ba be ba fithlile e
 bosego ba robala gona mowe kgorong ya kgosi. A bo sele ka
 moswana kgosi ya letsa phalafala gore batho ka moka ba kgobakane

ba tle ba theetse se setlo bolabolago ke banna bale ba bego ba ile ngakeng. Bjale mowe re kwa gore banna le basadi le bakgalabjwe ka moka ba tla gape ba tlala kgoro gore ba okwe sewe se thlalosago ke banna bawe.

- 27 Re kwa gore banna bawe ba ile ba kgobakana ka moka gore ba tle ba theetse bjale kgosi ya botsa monna yeo mogolo yowe a bego a sepetse le setshaba sewe gore a thlalose sewe si ilego sa bolabola ke ngaka. Bjale monna yowe a ema ka maoto pele ga setshaba a thlalosa ditaba tsewe a re morena re sepetse ra hwetsana ngaka e kgolo kowa nageng ya Bolubedu bjale ya re botsa ditaba tse, gore ngwana yowe wa kgosi o bolaile ke monna yowe mogolo wa ngaka
- 28 wa leloko la ga kgosi Mametsa bjale mowe kgosi ya nyama kudu ka go tseba gore monna wa leloko la ga Mametsa ke yena mokgalabjwe yowe Setimela bjale mowe kgosi Sekoko a dula fase a nyamile. Bjale ka gore o be a sa kgolwe gore batho ba ba lla ka bothloko bjale mowe re kwa gore a bo sele a bitsa pitso gore batho ka moka ba tle ba okwe ditaba tse di tswago molomong wa kgosi Sekoko
- 29 fawe re kwa gore o be a bolela lentsu la gore tsebang ke raka mokgalabjwe Setimela lehono bjale a botsa setshaba gore monna yowe o sintse kudu bjale ke swanetse goreng ka yena, setshaba re kwa gore se be sa bolela gore o swanetse go bolawa ka gore le yena o feditse bana ba rena fela mowe re kwa gore go be go e ne le mokgekolo yowe mogolo kudu wa ga Morema leina lagwe ba re ke Mmakgwaila. A etswa Bokgaga a bolabola ka lentsu la gore aowa kgosi mokoni motho a ba bolae nka be o re a tloge lefase
- 30 leno a ekele mo a gotsebago fela re kwa gore le setshaba ka moka se be sa dumetsa lentsu la mokgekolo yowe gore ke thereso motho a bolawe fela taba e kgolo ke gona gore mokgalabjwe eo a rakwe mona nageng e fela le rena rea lla morena mo lesetse a sepele mo a go ratago bjale mowe re kwa gore mokgalabjwe yowe
- 31 o be a botswa gore kgosi ya go raka ka moka le setshaba se dumetse taba ewe gore o swanetse go tloga mo nageng e ka gore o wa loya bjale mowe re kwa ditaba tse dintsi kudu tsagwe bjale a botsa barwa bagwe Maa erantha le Tshwenyana le Motetemedi gore bana ba ka kea rakiwa mono bana ba ka bjale mowe bana ka moka ba re papa

ke botala re go botsa gore o lapisa batho wa re wena o kwana
 le kgosi bjale lehono bona kgosi e go thlanogetse mowe re kwa
 gore mokgalabjwe yowe o be a rora thoto yagwe makutswi ga
 32 kgosi Sekororo a dumellwa go dula mowe ntse a a ga motse wagwe
 polaseng ya Toul a dula ntshe mabapi le thaba ya Seribane bjale
 mowe a busa ke kgosi Sekororo bjale mowe a dula ngwaga e methlano
 a hwa. Gwa sala barwa bagwe, Maaserantha le Tshwenyane le
 Motetemedi. Bjale mowe gwa sala gwa bonagala ngwana yowe a bego
 a ratega kudu bjale re kwa ditaba tse di lego tsa bolabola ke
 ba motse ka gore mathomong ba be ba sa tsebe selo gore na ngwana
 33 yowe a rategago ke ofe ke mowe go ilego gwa tsoga mpherefere o
 mogolo re kwa gore mowe go ve gwa ema Maaserantha a re dilo ka
 moka papa o ntshupile tsona mo di nego ntshe. Mowe re hwetsana
 ditaba gore ba ile ba leka go rapela ngwana yowe wa bona Maaserantha
 gore a ba supe dikgagara mo di nego ntshe. A ba botsa lentsu la
 bothloko a re gape le se ke la mputsisa dilo tsewe ka moka di
 34 sea papa di re nna wee lena a le rata dilo tsewe le swanetse go
 kgopela gabotse bjale gape mowe kgosi Sekororo a mo raka a tloga
 le bo ngwana abo Tshwenyana le Motetemedi ba ya ba dula nageng
 ya ga Mothlabe ka gore papa a bona Setimela o be a setse a
 hwile ka lona lebaka lewe bjale ba dula ntshe mabakanyana a se
 makee a napa a thoma go ntsha dithuri tsela tsa go sea
 papa agwe Setimela ka gore mothlabe o be a sa tsebe gore ke ngwana
 35 wa mang bjale mowe setshaba sa ga Mothlabe sa leboga monna yowe
 a litswa gore ke Maaserantha bjale mowe a thaba kudu re kwa gore
 o be a tsea dithuri tsagwe a di beya nokeng ya gare ga dithaba
 leina la yona ba re ke Seduku. Bjale ka gore mogolo-golo yowe
 mongwe o kile a bolabola lentsu le legolo a re noga a ene nogana
 mowe re kwa gore ena Maaserantha o be a thoma go loya ka
 dithuri tsewe. A loya banna ba lefase lewe gore ba hwe gore
 36 ena a sale le basadi ba banna bawe ka gore o ba bolaille ba hwile
 le bjale mowe ena Maaserantha o sala a kitima le malapa a basadi
 ba banna bawe ba hwilego.

Bjale Mothlabe a lemoga taba ewe a bitsu banna ba ba setsego
 nae ba lekgotla gore a re boneng taba e ka gore monna yowe wa le-
 loko la ga Mametsa o wa re bolaya ka morago o tlo bolaya rena

RM/

37 bjale banna bawe ba bolabola gore o swanetse gore a rakwe
 mowe nageng ewe bjale ba beelana letsatsi la gore ba gathiane ka
 moka ba bolabole gore ba ka reng ka monna yowe. Bjale re kwa
 gore ba itse ba sa beelane matsatsi awe gore re tle re gathlane
 ka ona ya ba gore ke mabaka a selemo. Bjale ba itse ba sesu ba
 gathlana ya ba o bile o loya monna yo mongwe wa ga Mogale leina
 lagwe ba re ke sesego bjale sesego re kwa gore o be a tsoga
 e se e bosego a gopotse gore o ya masemong ka gore e be e se e le
 38 selemo bjale nthe mokgalabjwe yowe Maaserantha morwa Setimela
 o setse a lukisitse dithlare tsagwe tsa boloi mowe re kwa gore
 o be a tsoga e se e bosego monna eo ba rego ke Sesego a tsea
 marala a go tlema dipholo bjale a tsea le dipeu gore o ya masemong
 re kwa gore a be a lathlega a sobella kgole a sa tsebe gore o
 ya kae. A tsea letsatsi ka moka a sepela a sa tsebe gore
 39 masemong ke kae.

Bjale letsatsi la dikela a emo gora ga lebaka bjale yaba
 gona Maaserantha a tlosago dipheko tsagwe mathlong ga Sesego
 gore a kgone go bona gore mono ke nego ntshe ke kgole kudu
 le gae bjale a goma a boela gae a hwetsana mokgalabjwe yowe
 40 Maaserantha morwa Setimela a dutsi ka mowe lapeng la bo bjale sese-
 go a rithla mowe gae a botsa batswadi bagwe gore ke be ke
 lathlegile ke tso goma kgole kudu bjale batswadi bagwe ba makala
 taba ewe gore na motho o wa lathega na, ba tsoga e se bosego
 ba a go tsa mabala ola gore ba okwe selo se se lathlilego
 ngwana wa bona bjale mowe re kwa gore dingaka di ile tsa
 41 tiya ena mokgalabjwe yowe Maaserantha gore ke ena a lathlilego
 ngwana yowe wa lena bjale ba goma ba kwatile kudu ka dipelo
 bothloko bjale a ba fithla gae ba tsea ditaba tsewe ba di isa
 kgosing gore mokgalabjwe yo Maaserantha o loile ngwana wa rena
 a mo lathla a ya le naga bjale re tswa dingakeng bjale dingaka di
 teile ena Maaserantha bjale kgosi e bitsa pitso gore le ena
 Maaserantha a tle go kwa sewe se tlo bolabolwa go mo kgorong
 42 re kwa gore setshwaba ka moka sebe sa tla se tlala kgoro ka bontsi

bjale kgosi ya Rabanna ba ga Mogale gore re botse se e nego sona
 bjale gwa thakgoga mokgalabjwe wa ga Mogale a re morena nna ke be
 ke lathlegetse ke ngwana wa ka bjale e see bo esa a tloga a re kea
 masemong bjale a ya a lathlega a ya le naga bjale ka bitsa banna ba
 gesu gore re e dingakang bjale dingaka di laotse di teile Maaseran-
 43 tha morena bjale kgosi ya butsisa Maaserantha gore na taba e e
 bolabolago ke banna ba ga Mogale ke thereso na? Maaserantha a
 dumetsa a re e ke thereso ka gore ke be ka gathlana nae a swere
 leeba a nkona, a se mphe bjale mowe ka baba ke pelo bjale ka mo
 loya gore a lathlege.

Morena bjale kgosi ya thoma go thlalosetsa Maaserantha gore
 na wa tseba gore papa'ago Setimela o kile a dula nageng ya ga
 44 Mametsa bjale kgosi ya ga Mametsa ya mo raka ka bakeng sa go ya
 bjale le wena o thomile go loya setshaba sa ka na o rata gore
 ke reng ka wena bjale mowe re kwa gore o be a thakgoga a ya ka
 mafuri ga motse a bitsa mokgalabjwe wa gabo a mo roma gore a mo
 rapelle ga kgosi bjale a boela mokgalabjwe yowe a botsa kgosi gore
 Maaserantha o re kea rapela ka kgomo bjale kgosi ya re go lokile go
 fedile, bjale a se ke a tsoga a boeletsa. Re kwa go tlogela
 mowe a se be a sa loya.

END S 157

RM/